




www.BibleForChildren.org


उबजाणनी किताप 1




सुरु मां भगवान सरग ने धरती
काजे बणायु।



सुरु मां धरतीन आकार वारु नी
हतलो ने सुन्ली हतली। ने बेसका
पाणी पर आंदारलो हतलो, ने
भगवानेन जीव-आत्मा पाणी पर
फीरतेलो।




तत्पार भगवान कह्यु, "वीजाळो ह्य जा" ने वीजाळो ह्य गुयो।
ने भगवान वीजाळा काजे दाहडु कह्यु ने आंदारला काजे रात कह्यु
तत्पार सांतेलो ह्यो ने पेहलु दाहडु ह्य गुयु।"



अळतेन भगवान कह्यु, "पाणीन ईचमां एक असु जागु ह्य जाय की दुय
हीस्सा मां वाटाय जाय।" ने भगवान तीनी जागा काजे सरग कह्यु। ने
तत्यार सांतो ह्यो ने संदारो बी ह्यो। ने अळतेन दीसरु दाहडु ह्य गुयु।




पछेन भगवान कह्यु, "सरगेन नेचो कळी परुन पाणी, एक जागे भेळो हय जा, ने सुकली जागा देखायणे बाजी जाया।" ने भगवान कह्यु तसोत हय गुयो भगवान सुकली जागान नाव धरती पाड्यु ने जो पाणी भेळो हय रवलो, तीना पाणीन नाव समुंदर पाड्यु। तत्यार भगवान जो देखीन कह्यु वारु छे।




अळी भगवान कह्यु, "धरती पर आखी भातीन झाडका ने बीज उंगी आवु, ने भाती-भातीन फळ लावण्या झाडका उंगी आवु, ने तींद्रेम भाती-भातीन बीज रवसे, ने भाती-भातीन दाणावाळा टटाळा बी उंगु।"


ने भगवान कह्यु तसोत हय गुयो। तत्यार सांतो हयो, अळी संदारो हयो।




असु करीन तीसरु दाहडु हय गुयु, अळतेन भगवान कह्यु, "दाहडा काजे रात सी अलग करने करीन सरगेन नेचो वीजाळो रहे; ने चे सहलाणी, ने टाकली टेम ने दाहडा, ने साल सी हवे; ने वीजाळो सरगेन नेचे धरती पर वीजाळो करने वाळा रवे," ने तसोत हयो।




तत्पार भगवान दुय मटला वीजाळा बणायु, दीसु राज करने वाटे
दाहडा काजे बणायु ने रात पर राज करने वाटे
चांद काजे बणायु ने तारा बी बणायु। तत्पार
सांतो हयो, अळी संदारो हयो।
असु करीन चोवथु दाहडु हय गुयु।




भगवान कह्यु, पाणी छे च आखा
भाती-भातीन जीवतेला जानवार्या
सी भराय जाय, ने जे वाहळा मां
उडण्या चिरला सी भराय जाय।
तत्यार सांतो ह्यो ने अळी
संदारो ह्यो। असु करीन पांचवु
दाहडु ह्य गुयु, भगवान कह्यु,
"धरतीम सी आखी जातीन जीव
जानवर्या, घर पाळन्या जानवर्या,
घीसडायन चालन्या जीव, ने जंगली
जानवर्या, तुहं आखा आपसी-
जाती-जातीन अनसारे बणी जावु।"




ने भगवान कह्यु तसोत ह्य गुयो असु करीन भगवान धरती पर
जाती-जातीन जंगली जानवर्या काजे, ने जाती-जातीन घरेन
जानवर्या काजे, ने जाती-जातीन जागा पर आखा घीसड़ायन्या
जानवर्या काजे, बणायु; ने देखीन भगवान काजे वारु लाग्यो।




अळतेन भगवान कह्यु, "चालु आपणु माणुस जात काजे आपणा सीका
मां, आपणेन तसात बणावता। ने चे, तीनु आखा जानवर्या पर, ने
दरीयान माछा पर, ने सरगेन चिरला पर, ने घर पाळन्या जानवर्या
पर, ने घीसडायन चालन्या जानवर्या पर, ने आखी धरती पर राज
करे।" तत्यार भगवान ज
काय बणावलु, चो आखो देखीन कह्यु,
"जो बेसको वारु छे।" तत्यार सांतो ह्यो,
अळतेन संदारो ह्यो। तसों करीन
छटवु दाहडु हय ज्यु।



ने यहोवा भगवान आदम काजे तेरो नाव बी आदम हतलो तीनाक
वाडीन राखवाळी करने करीन ने चां काम करने करीन अदन वाडी मां
मेल्लु।



ने यहोवा भगवान तीना आदम
काजे असु कय्न् हुकुम
आपलु: "तु वाड़ी माय्न्
काहना बी झाड़कान फळ
बेफीकर्यु खाय सके।
बाकुन तीना झाड़कान फळ
घुण खावु, जेरो फळ भलाय ने
कुहराय्न् अक्कल आपण्यो छे;
काहाकी जीने दाहडे तु तीना
फळ काजे खासी, तीनेत दाहडे, तु
छाचलीन मर जासी।"



ने आदम आखा घर पाळन्या
जानवर्यान, ने आखा जानवर्यान, ने
सरगेम उडण्या चिरलान, नावे पाड्यु,
बाकुन तीनु आखा जानवर्या मां आदम
काजे, तेरे साते मेळ खाय ने तेरी सात देय
असो, काहनो बी जुडो नी जड्यो।



ने यहोवा भगवान आदम काजे मटी नीदे सुवाड देदु, ने चु तेरी एक
पासळी नीकाळ लेदु, ने जां सी पासळी नीकाळ्ळु, चां वाळु घाव पछु
भर देदु। तत्यार यहोवा भगवान आदम मां सी जी पासळी नीकाळ्ळु
तीनी पासळी सी एक बायर
काजे घड्यु, ने तीनीक
आदम धडे लायु।



तेरेमां अदमी आपसा आसुया-बासुया सी आंगुये
हयून, आपसी बायरी पुठुये भगवान सी जुडायून
रवसे; ने चे दुयु एक डील बण जासे।



काहाकी भगवान ईनी कळीन पापी माणसे काजे
अतरु परम कर्यु, की तेरु एकुत लाटेक्लु पुर्यु
मरने करीन आप देदु, ने जु कुय तेरे पर भुरसु
करे, चु खत्तम नी हवे बाकुन अमर जीवन
हात करसे।



रोमीयो 3:23 हेरेसी की आखान ने आखा पाप कर्या ने भगवानेन
सेक-सींगार सी छेटे हय गुया,

रोमीयो 6:23 काहाकी पापेन दाहड़की ते मरनु छे, बाकुन भगवानेन दानेन
वाटु आपणा मालीक ईसु मसी मां जलमेन जीवन छे।

ईब्रानीयो 9:27 जसों माणसे काजे एकुत कावा मरनु ने अळतेन तेरु
नीयाव हवणु जरुड़ी छे,

ईफीसीयो 2:8,9 काहाकी ईसु पर भुरसु करने सी तेरी गीण-दया सी पापेन
डंड सी आपणुक छुटकारु जड़लु छे। आपणु, जु छुटकारु आपणे जुरे हात नी
कर्या, बाकुन जु छुटकारु भगवान भीणी सी फुकट मांत आपलु दान छे। ने
क्य बी माणुस मटाय नी करनु चाहजे, करीन जु छुटकारु आपणा भला कामे
सी नी जड़्यु।



रोमीयो 10:9,10 की कदी तु तारा मुंहडा सी ईसु काजे मालीक जाणीन हुकारु भरे, ने आपणा मन सी भुरसु करे की भगवान ईसु काजे मरलाम सी जीवाइयु, ती तुसेक छाचलीन छुटकारु जइसे। काहाकी धरम वाटे मन सी भुरसु करनु पड़े, ने छुटकारा वाटे मुंहडा सी हुकारु भरनु पड़े।

युहन्ना 3:16,17 काहाकी भगवान ईनी कळीन पापी माणसे काजे अतरु परम कर्यु, की तेरु एकुत लाटेक्लु पुर्यु मरने करीन आप देदु, ने जु कुय तेरे पर भुरसु करे, चु खत्तम नी हवे बाकुन अमर जीवन हात करसे। भगवान आपसा पुर्या काजे ईनी कळी मां माणसेन नीयाव करीन डंड आप्णेन हुकुम आपजी करीन नी मकल्यु, बाकुन तेरेमां मकल्यु की कळी मायन माणसे हेरे साहरे छुटकारु हात करसे।

1 युहन्ना 5:11-13 ने ची गवाय जी छे, की भगवान हामुक जलमेन जीवाय आपलु छे, ने ज्य जीवाय हेरा पुर्या मां छे। तेरे धड़े पुर्यु छे, तेरे धड़े जीवन छे; ने जेरे धड़े भगवानेन पुर्यु नी हय, हेरे धड़े जीवन बी नी हय। मे तुहुंंक, जे भगवानेन पुर्यान नाव पर भुरसु करो, हेरसी लिख्यु की तुहुंं जाणु की जलमेन जीवन तुंदरु छे।



उबजाणनी किताप 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Bhilali Bible (bhi) ©The Word for the World International and
Bhilali Bhasha Samiti, Warvani, (M.P.) 2025.

<https://www.bible.com/bible/4054/GEN.1.BSP25>

©2026 Bible for Children, Inc.

www.M1914.org

www.bibleforchildren.org

